

Guilielmi Conquestoris obtigerunt. Memorandum, sic enim legitur in veteri libro manuscripto, quod cum Guilielmo Conquæstore venit quidam Gilbertus de Gaunt, cui dictus Guilielmus dedit Manerium de Folkingham cum suis pertinentiis & honore eidem pertinenti, & expulerunt quandam mulierem nomine Dunmoch. De dicto Gilberto venit quidam VValterus de Gaunt filius & heres, & de dicto VValtero venit Gilbertus de Gaunt filius & heres, & Robertus de Gaunt filius junior. Et de dicto Gilberto filio & herede venit Alicia filia & heres, qua fuit desponsata Simoni Comiti, que dedit plura tenementa viris religiosi, & obiit sine herede de se. Et hereditas descendit Roberto de Gaunt prædicto avunculo suo, & de prædicto Roberto venit Gilbertus filius & heres, & de prædicto venit alius Gilbertus filius & heres, & de prædicto venit alius Gilbertus filius & heres, qui dedit Manerium de Folkingham cum suis pertinentiis Edwardo filio Henrici Regis Angliæ. Hic Gilbertus, ut est in Placiis, è quibus hæc Genealogia probatur, petit servitium versus VWill. de Scrembly. Demumque ex dono principis accepit Henricus de Bellomonte, illum enim regnante Edwardo Secundo tenuisse certissimum. Huic vicinum est Skrekingham Alfrici secundi Leicestrensis Comitis fato signatum, quem Hubba Danus interfecit. De quo loco videtur Ingulphus loqui, cum scribit, In Kesteven cast sunt tres reguli Danorum quos sepeliverunt in villa qua ante Laundon, nunc vero pro trium regum sepultura Trekingham appellatur. Magisque ad Ortum Hather, hoc solum nomine memorandum quod Bussai, sive Buslei hic habitant, qui à Rogero de Busley tempore Conquestoris genus deducunt. Deinde Slesford Lincolnensium Episcoporum castellum ab Alexandro Episc. extructum, ubi sibi etiam ædes extruxit I. Hussy primus & ultimus ejus nominis Baro, qui cum imprudens populari tumultui in primo Angliæ diffidio religionis causa, MDXXXVII se immiscuisset, capite luit. Paucis hinc miliaribus abest Kime, quæ nomen fecit nobili familiæ dictæ de Kima, loci vero possessio devenit tandem ad Vnfranvillos, è quibus tres evocati fuerunt ad Comitum Parlamentaria nomine Comitum Angusia in Scotia. Illorum autem primum prudentia juris nostri Municipalis Comitum agnoscere noluit, quod Angusia intra Regni Angliæ limites non contineretur, donec ille Regis rescriptum quo ad Parlamentaria Comitum titulo Comitum Angusia à Rege evocatus fuerat, in medium pro tribunali protulisset. Ab Vmfranvillos devenit hæc ad familiam Talbois, è quibus Gilbertus creatus est ab Henrico Octavo Baro Talbois, cujus duobus filiis sine prole defunctis, per fœminas ad Dimockos, Inglebeios, & alios translata fuit hereditas. Magis ad Occasum Temple Bruer vidimus, id est, ut ego interpretor, Temple in the beath. Templariorum enim Præceptorum fuisse videtur, dirutæ enim Ecclesiæ ad formam Novi Templi Londini parietes semirutum ibi conspiciuntur. Blankeney huic adjacet, quondam Baroniam D'eincortorum, qui longa serie à Normannorum ingressu ad Henrici Sexti tempora floruerunt; tunc enim horum mascula linea defecit in Guilielmo, qui sorores habuit duas sibi hæredes, alteram Guilielmo Lovell, alteram Rodolpho Cromwell enuptam. Hujus familiæ libentius meminimus, ut aliqua in parte desiderio Edmundi Ba-

ronis D'eincourt satisfacere, qui olim anxie sollicitus de memoria nominis sui conservanda, cum prolem masculam non haberet, apud Regem Edwardum Secundum suppliciter egit, quia conjecturabat ut cognomen suum & Arma post mortem suam è memoria deleberentur, & corditer affectabat ut post mortem ejus in memoria haberentur, ut de Maneriis & Armis suis scioffaret, quemcumque voluerit. Quod impetravit, & regio diplomate concessum, nihilominus cognomen hoc jam penitus, quod scio, desit, & nisi lux literarum affluisset, è memoria excidisset.

In Occidentali parte Kestevenæ, in hujus, & Leicestrensis agri collimitio castrum Belvior sive Beauvoir, sic dictum à bello prospectu (quodcumque olim fuerit nomen) colli satis acclivi, & hominum opere, ut videtur, aggregatæ imponitur. Todeneium Normannum hujus conditorem, ut etiam monasterioli adjuncti ferunt, à quo per Albenios Britones, & Barones Roos ad Mannoros Rutlandiæ Comites hereditario devenit. Quorum primus Thomas, ut accepi, novis ædificiis excitavit, cum plures annos quasi ruinis suis sepultum jacuisset. In invidiam enim Thomæ Domini Roos, qui Henrici Sexti partes sequebatur, à Guilielmo Domino Hastings, cui (proscripto Barone Roos) Edwardus IIII cum amplissimis prædiis donaverat, quodammodo dirutum erat. Sed Edmundus Baro Roos Thomæ filius avitam hanc hereditatem denuo beneficio Henrici Septimi recuperavit. Sub hoc inveniuntur Astroites lapides, qui stellulas invicem connexas repræsentant, in quibus radii eminent singulis angulis quini, & singulis radiis cavitates media subsidet. A Victoria hic lapis apud Germanos nomen invenit, quod, ut est apud Georgium Agricola libro sexto Fossilium, putant illum qui gestaverit, causam obtinere, & hostes vincere. An tamen hic noster, ut ille Germanicus, in aceto positus, se loco moveat, & in orbem nonnihil torqueat, mihi nondum experiri licuit. Vallis autem quæ huic castro subjacet, The Vale of Belver, inde vulgo vocatur, satis ampla est, & longe amœnissima frumentariis campis, & pascuis admodum læta, & in tribus Comitibus Leicestrensi, Nottinghamensi, & Lincolnensi expansa.

Si non hoc ipso in loco, certe juxta MARGIDUNVM olim fuisse, quod proxime post VERNOMETVM memorat Antoninus, & nomen & distantia à VERNOMETO & PONTE oppido, sive Paunton, quibus apud Antoninum interponitur, satis dilucide doceant. A Marga & situ nomen illud antiquum mutuatum videatur. Marga enim Britannis genus est terræ qua agros aluerunt, & DVNVVM quod collem denotavit, editioribus solummodo locis convenit. In hac tamen nominis notatione hæsito, cum Marga hoc in loco sit rarior (fortasse quia non quæritur) nisi Margæ nomine Gypsum vocarint Britanni, quod in vicinia effodi accepimus, cujus usum in albariis, sigillisque Romanis longe gratissimum fuisse in Naturali historia testatur Plinius.

Hanc agri partem VVithama fl. lucis fœcundus, sed exilis perfundit, & à Septentrione circumscribit. Ad sui cognominis viculum ortum habet, non procul à ruinis castri Bitham, quod (ut in antiqua Genealogia habetur) Guilielmus Primus

Pl. 27. H.
3. Rot. 13.
Linc.

Inq. 4. F. 2.
Skrekingham.

Bussy-Slesford.

Hussy Baro.

Kime.

Angusia Comites.

Temple Bruer.

Barones D'eincourt.

Inq. 21. H. 6.

Patent.
10. Edw.
2.

Belvior sive Bever Castell.

Astroites lapides.

The Vale of Belver.

Margidunum.

Marga Dunum.

Witham fl.

Bitham.